

सतीश शर्मा होंरें केन्द्री मंत्री होंरें गी यू.टी प्रशासन आसेया कीती जा रदी विकास पैहलकदमियें बारे जानकारी दिती। उनें खिते दे मुख्ख क्षेत्रें च विकास कम्में गी होर तेज करने लेई तालमेल ते केन्द्री समर्थन दी लोड उप्पर लौस पाई। मंत्री सतीश शर्मा होंरें बुनियादी ढांचे दे विकास बारे इक विस्तृत चर्चा कीती- जेहदे च शर्मा होंरें सिडकें सरबंधी सम्पर्क सार्वजनिक सुविधाएं ते शैहरी बुनियादी ढांचे सरबंधी बड्डी परियोजनाएं दी रफ्तार गी होर तेज करने दी लोड उप्पर जोर दिता।



Satish –Direct Selling

नागरिक आपूर्ति ते उपभोक्ता मामलें दे मंत्री सतीश शर्मा होंरें भारत च सिद्दी बिक्री आले खेतर दा टिकाऊ विकास जकीनी बनाने लेई सरबंधत प्रणाली च पारदर्शिता- उपभोक्ताएं दे भरोसे ते तकनीकें आसेया संचालित नियमन दी जरूरतें पर जोर पाया ऐ। मंत्री होर नमीं दिल्ली दे Hyatt Centric च लोआए गेदे सिद्दी बिक्री आले 6में सम्मेलन -Direct Selling Conclave -2026 दरान बोला करदे हे जिन्ने नीतियां बनाने आलें- नियामक संस्थानें- बड्डे कारोबारियें ते राश्ट्री हस्तियें गी इक सांझे मंच पर आहनने दा मौका दिता। इस मौके पर किट्ठ अगगे भाषण दिंदे होई मंत्री सतीश शर्मा होंरें आखेया जे उपभोक्ताएं दा विश्वास गै आर्थिक प्रणाली दी रीढ़ हुंदा ऐ। उनें जोर देइयें आखेया जे प्रतक्ख बिक्री आले उद्योग दी विश्वसनीयता ते लम्मी अवधि आली स्थिरता लेई नियमं दी पालमा ते नीति -नियमं आली बवस्था अत-लाजमी ऐ।



Dar-Devp Issues

ग्रामीण विकास मैहकमे ते पंचैतीराज मंत्री जावेद डार होंरें कल जम्मू दे सिविल सचिवालय च केंई प्रतिनिधिमंडलें ते लोकें कन्नै मलाटी कीती ते विकास कम्में ते सेवाएं सरबंधी मामलें कन्नै जुड़े दे मुद्दें पर उंदी गल्लबात सुनी ते समाधान कीता। जम्मू- उधमपुर ते कश्मीर दे बक्ख-बक्ख जिलें थमां आए दे प्रतिनिधिमंडलें- ग्रामीण बुनियादी ढांचे-सिडक सरबंधी सम्पर्क- सिंचाई सुविधां- पीने आहले पानी दी सहूलत पंचैती राज योजनाएं गी लागू करने-रोजगार सरबंधी मुद्दें दे लम्मे चिरे थमां बकाया पेदी विकास परियोजनाएं सरबंधी चिंताएं गी उजागर कीता।

मंत्री होरें मौके उप्पर गै सरबंधत मैहकमे गी निर्देश दिते जे मामलें दा तौले थमां तौले हल कीता जा। उनें इस गल्लै उप्पर जोर दिता जे सरकार जमीनी स्तह उप्पर विकास कम्में च तेजी आहना करदी ऐ।

<><><><><><>

Prog. Ann- Valour Day

आकाशवाणी दा क्षेत्रीय समाचार एकांश जम्मू कल 23 जनवरी गी “पराक्रम दिवस” दे मौके पर 25 मिन्टें दी इक विशेष परिचर्चा प्रसारत करने जा रदा ऐ। दपैहरी 12 बजे प्रसारत होने आहली इस परिचर्चा दा विषे सार ऐ- “दलेरी थमां प्रेरणा- नेताजी हुंदे विचार ते अज्जै दा भारत”। नेताजी सुभाष चन्द्र बोस हुंदी जन्म जयंति दे सिलसिले च हर बरे 23 जनवरी गी “पराक्रम दिवस” दे रूपे च मनाया जन्दा ऐ। इस विशेष परिचर्चा च स्हाड़ी परौहनियां होगंन- जम्मू युनिवर्सिटी च प्रोफेसर शशी प्रभा जेहड़ियां इस विषय पर अपने माहिराना विचार सांझे करगंन। कार्यक्रम दी मेजबानी करगंन स्हाड़ न्यूज एंकर विजय बजाज चेता रक्खेया-23 मार्च गी दिनें 12 बजे स्हाड़े इस्सै चैनल मीडियम वेव 303 मीटर यानि 990 किलोहर्टस ते एफ.एम 100 इशारिया 3 मेगाहर्टस पर।

<><><><><><>

Spl Train

उतरी रेलवे दे जम्मू डिविजन नै बुधवारें यात्रुएं दी बधदी मंग गी पूरा करने लेई नर्मी दिल्ली ते श्री माता वैष्णो देवी कटरा बश्कार खास रेल सेवाएं गी बधाने दी घोषणा कीती ऐ। आकाशवाणी जम्मू दे संवाददाता दी रिपोर्ट मजुब ट्रेन नम्बर 04081 नर्मी दिल्ली थमां कटड़ा लेई- 23 थमां 26 जनवरी तककर ते ट्रेन नम्बर 04082 कटड़ा थमां नर्मी दिल्ली लेई 24 थमां 27 जनवरी तककर 4 बाददु फेरे लगाग। Senior Divisional Commercial Manager उचित सिंघल होरें आखेया ऐ जे एह यात्रियें लेई इक किफायती विकल्प बनी गया ऐ।

<><><><><><>

CS-MSME

मुख्य सचिव अटल डुल्लु हौरें उद्योग ते बपार मैहकमे दे सीनियर ऐहलकारें ते होरनें सरबंधत धड़ें कन्नै लाई गेदी इक बैठकां दरान भलेयां लौहके-लौहके ते दरमयानें दर्जे दे उद्यमें दी कारकरदगी बधाने सरबंधी कार्यक्रम-RAMP दे तैहत MSME Health Clinic दी अमलावरी दा जायजा लैता। बैठक दरान जेहड़े मुख्य बिंदुएं पर ध्यान केन्द्रित कीता गया- उन्दे च अजें तोड़ी हासल प्रगति- उद्यमें गी हासल होई दी पुज्ज ते माड़ी हालत आले MSME उद्यमें दी पंछान ते उन्दी मदाद आले मामलें मुख्य तौर पर शामिल हे। मुख्य सचिव हौरें मैहकमे पर जोर पाया जे ओह समूलचें प्रदेश च सब्बनें उद्यमें दे बवस्थित विश्लेषण लेई इक स्पष्ट ते समे-बद्ध कार्य-योजना तयार करन। उनें आखेया जे इस गल्लै दी पक्की बवस्था कीती जा रदी ऐ जे Health Clinic आली पैहलकदमी दे ठोस नतीजें ज़मीनी सतह पर नजरी औन।

<><><><><><>

Prog. Announcement Constitution (Teaser)

आकाशवाणी जम्मू दा क्षेत्रीय समाचार एकांश 77में गणतंत्र दिवस दे सरबंध च 24 जनवरी 2026 गी 30 मिटें दी अवधि आला इक खास कार्यक्रम गी पेश करने जा'रदा ऐ। इस खास कार्यक्रम दा विशे होग 'Our constitution our strength' यानि स्हाड़ा संविधान स्हाड़ी ताकत। एह खास कार्यक्रम शनिवारें 24 जनवरी दपैहरी साड़े 12 बजे प्रसारित कीता जाहग। रक्षा समीक्षक दे तौर पर ब्रिगेडियर डी.एन पांडे, ते संविधान माहिर दे तौर पर लॉ विभाग जम्मू युनिवर्सिटी दे प्रोफेसर विजय सहगल होर इस कार्यक्रम च परौहने होडन जेड़े इस विशे पर अपने बचार सांझा करडन.....

इस कार्यक्रम दी मेजबानी स्हाड़ी समाचार एंकर श्रुति खजूरिया होर करडन।

<><><><><><>

Vande Matram Phase-2

वंदे मातरम दे जारी दूए चरण आले अभियान दे इक हिस्से दे तौर पर उधमपुर आले एरिया मार्केटिंग दफ्तर आसेया रोन-One पंचायत घर च इक जागरूकता कार्यक्रम दा सरिस्ता कीता गया।

एदा आयोजन उधमपुर दियां डिप्टी कमीशनर सलोनी राय हुंदी निगरानी हेठ होआ ते एदा मकसद करसाने, आप-सहायता समूहें ते होरनें सरबंधत धड़े गी रोजगार पैदा करने आली बक्ख-बक्ख योजनाएं बारे जानकार बनाना हा। इस कैम्प दे दौरान प्रतिभागिये गी इनें योजनाएं दे फायदे, योग्यता सरबंधी मापदंडें ते नांs दर्ज कराने दी प्रक्रिया बारे जानकारी दिती गई। इस बारे च पेश ए साहडे जिला संवाददाता दी इक खास रिपोर्ट.....

<><><><><><>

Weather

पूरे केन्द्र शासत प्रदेश च तापमान च बुधवारें पिच्छले दिनें दी तुलना च रला-मिला रुझान दिक्खने गी लब्बा- जेहदे चलदे कश्मीर घाटी च केई थाहरें पर रातीं दे तापमान च ममूली बाधा दर्ज कीती गई ऐ। जिसले के जम्मू खिते दे किश हिस्सें च उच्चे थाहरें पर तापमान च गिरावाट दर्ज कीती गई ऐ। हालांकि मौसम विज्ञानिके वीरवारें थमां बरखा ते बर्फबारी दी भविक्खवाणी कीती दी ऐ। आकाशवाणी दे संवाददाता दी रिपोर्ट मुजब पच्छमी ब्हाएं च खौदल आहली स्थितिये दा असर अज्ज थमां 24 जनवरी तककर जम्मू-कश्मीर ते ओदे कन्नें लगदे इलाके च पौने दी मेद बुज्जी गई ऐ। इसदे इलावा केई थाहरें पर 40 थमां 60 किलोमीटर प्रति घंटे दी तेजी कन्नें ब्हाऊ दे चलने ते पस्सिये पौने दी संभावना ऐ। यात्रिये सैलानिये ते गड्डिये आहले गी सलाह दिती गई ऐ जे ओह मौसम दे हिसाब कन्नें गै अपनी योजना बनान। इस बारे होर मती जानकारी दिंदे होई मौसम मैहकमे दे निर्देशक मुख्तार अहमद होरे आखेया.....

<><><><><><>